

Starfsemi Siðfræðistofnunar árið 2014

Stjórn og starfslið

Í stjórn Siðfræðistofnunar sitja þau Vilhjálmur Árnason, prófessor, formaður, tilnefndur af námsbraut í heimspeki, Sólveig Anna Bóasdóttir, prófessor tilnefnd af guðfræðideild, varaformaður, Sr. Irma Sjöfn Óskarsdóttir, tilnefnd af kirkjuráði þjóðkirkjunnar, Ástríður Stefánsdóttir, dósent, tilnefnd af Kennaraháskóla Íslands og Haraldur Briem, dósent við læknadeild, skipaður af Háskólaráði án tilnefningar. Forstöðumaður í fullu starfi er Salvör Nordal. Stofnunin starfar innan vébanda Hugvísindastofnunar og á stjórnarformaður sæti í stjórn Hugvísindastofnunar.

Rannsóknir og erlent samstarf

Siðfræðistofnun tekur þátt í nokkrum rannsóknarverkefnum. Verkefnið *Hvað einkennir íslenskt lýðræði? Starfsvenjur, gildi og skilningur* er þverfaglegt verkefni styrkt af Rannís. Í lok janúar var haldin á vegum verkefnisins Nordic Workshop on Democracy í Háskóla Íslands með þátttakendum frá öðrum Norðurlöndum. Verkefnið stóð fyrir borgarafundi í Hannesarholti í mars og haldnar voru rannsóknarmálstofur í maí og nóvember. *Nerri – Neuro-Enhancement: Responsible Research and Innovation* er evrópskt verkefni um taugaeftingu. Forstöðumaður sótti tvo fundi á vegum verkefnisins annan í Hollandi en hinn í Portúgal. Þá tekur stofnunin þátt í tveimur COST verkefnum, annars vegar *Disaster Bioethics: addressing ethical issues triggered by disasters* og hins vegar *Citizen's Health through public-private Initiatives: Public health, Market and Ethical perspectives*. Forstöðumaður er í stjórn þess síðarnefnda og sótti þrjá fundi á vegum þess á árinu. Þá var haldinn fyrsti fundur í verkefnisins POP-Gen í Reykjavík í október. Jafnframt var haldið málþing samstarfi við Norrænu lífsiðfræðinefndina um réttinn til að vita ekki. Sérstakur gestur Siðfræðistofnunar á þessum fundum var Tim Caulfield, Canada Research Chair in Health Law and Policy, University of Alberta. Stjórnarformaður leiðir PopGen verkefnið sem hefur fengið styrk frá NOS-HS. Verkefnið er unnið í samstarfi við norrænt samstarfsnet siðfræðistofnana á Norðurlöndum um heimspeki læknisfræðinnar og heilbrigðis- og lífsiðfræði *Nordic Network for Philosophy of Medicine and Medical Ethics* (NNPMME). Á vegum *Nordic Network for Philosophy of Medicine and Medical Ethics* var haldinn fundur í Helsinki í júní.

Af öðru rannsóknartengdum verkefnum má nefna að stjórnarformaður er í stórn International Association of Bioethics og sótti ársþing þess í Mexíkóborg í júní. Forstöðumaður á sæti í Norrænu lífsiðfræðinefndinni og sótti fjölmarga fundi og málþing á vegum á nefndarinnar. Þá hefur hann tekið þátt í Nordic Trial Alliances á vegum Nordforsk og situr í ráðgjafanefnd verkefnisins HUMAN sem rannsakar öldrun. Stjórnarformaður er aðili að FinCris: Responsibilities, Ethics and the Financial Crisis sem er þverfaglegt rannsóknarverkefni í samvinnu fræðimanna við háskólana í Birmingham, Warwick, Oxford og fleiri. FinCris er styrkt af Arts and Humanities Research Council (AHRC). Stjórnarformaður situr í ritnefndum tímaritanna *Medicine, Health Care and Philosophy*. A European Journal. Kluwer Academic Publishers frá 2000, *Genomics and Society*. Online journal frá 2005 og *Etikk i Praksis*. Nordisk tidskrift frá 2007.

Þjónusta

Siðfræðistofnun veitti sem fyrr umsagnir um ýmis lagafrumvörp og skýrslur á árinu og veitti fagfélögum, fyrirtækjum og stofnunum ýmis konar ráðgjöf einkum um siðareglur. Unnið hefur verið að þróun vefsíðu stofnunarinnar og opnuð síða á Facebook.

Fyrirlestrar og útgáfa

Siðfræðistofnun hélt áfram samstafi við Læknadeild um hádegismálstofur um nýtingu erfðaupplýsinga í febrúar, um niðurskurð til heilbrigðisþjónustu og réttlæti í mars og um staðgöngumæðrun í október. Haldinn var opinn fundur fyrir almenning um vanda íslensks lýðræðis í Hannesarholti í mars. Þá voru skipulagðir fjórir viðburðir á vegum NERRI verkefnisins til að ræða ólíkar hliðar á taugaeflingu: Vísindakaffi í Borgarbókasafninu í mars, málstofa á ráðstefnu í Helsinki í júní, dagskrá fyrir grunnskólanemendur í Vísindasmiðjunni í október og ráðstefna í Norræna húsinu í nóvember. Ársfundur Siðfræðistofnunar var haldinn 5. desember. Þar hélt Ólafur Páll Jónsson erindi um lýðræði og siðfræði í skólum, en á eftir því voru umræður í pallborði með kennurum í grunn- og framhaldsskóla. Greinasafnið *Hugsmiðar* eftir Vilhjálmi Árnason kom út hjá Háskólaútgáfunni.